

❧ 第十六、喜愛品 ❧

(軌道 16)

- 209 專事不當事，不事於應修，棄善^{qū}趨^{qū}愛欲，卻羨自勉者¹。
- 210 莫結交愛人，莫結不愛人。不見愛人苦，見憎^{zēng}人亦苦。
- 211 是故莫愛著，愛別離為苦。若無愛與憎，彼即無羈^{jī}縛。
- 212 從喜愛生憂，從喜愛生怖；離喜愛無憂，何處有恐怖。
- 213 從親愛生憂，從親愛生怖；離親愛無憂，何處有恐怖。
- 214 從貪欲生憂，從貪欲生怖；離貪欲無憂，何處有恐怖。

¹ 做不該做的事，不做該做的事，執取欲樂而捨棄善法，而嫉妒精進者成就。

- 215 從欲樂生憂，從欲樂生怖；離欲樂無憂，何處有恐怖。
- 216 從愛欲生憂，從愛欲生怖；離愛欲無憂，何處有恐怖。
- 217 具戒及正見，住法²知真諦^{di}，圓滿自所行，彼為世人愛。
- 218 渴求離言法³，充滿思慮心，諸欲心不著，是名上流人⁴。
- 219 久客異鄉者，自遠處安歸，親友與知識，歡喜而迎彼。
- 220 造福亦如是，從此生彼界，福業如親友，以迎愛者來。



² 法：四向、四果、涅槃。

³ 離言法：涅槃。

⁴ 上流人：向上流去的人，即指會生於第四禪的五淨居天的阿那含聖者。